



Inatsisartunut ilaasortaq Erik Jensen, Siumut  
/Maani

## **Kangerlussuup Mittarfia pillugu § 37 naapertorlugu apeqquteqaammut 2021-062- imut akissut**

25-06-2021  
Sags nr.: 2021 - 10907  
ID. nr. 65359543

Inatsisartut suleriaasianni § 37 naapertorlugu Kangerlussuarmi Mittarfik pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### **Apeqqut 1. Naalakkersuisut ”sakkutuulersuisoqarunnaarnissaannik” oqariartuutaat Kangerlussuup mittarfianut qanoq sunniuteqassava?**

Akissut: Issittumi eqqjissimaffiusumik ineriartortitsinissamut siuarsaanissamut naalakkersuisoqatigiit kissaateqarnerat Kangerlussuarmi mittarfimmut sunniuteqartussaannigilaq. Kisianni mittarfiliortiternerni Imapik qulaallugu angallassinernup Nuummut Ilulissanullu nuunneqarnera sunniuteqartussaavoq, tamannalu Kangerlussuarmi sulianut sunniuteqartussaavoq.

### **Apeqqut 2. Naalagaaffimmi illersornissaqarfiup Kangerlussuarmi aningaasaliinera Naalakkersuisut isumaqatigaat?**

Akissut: Aap. Illersornissaqarfiup Kangerlussuup Mittarfia Imapik qulaallugu angallassinermi atuinnassallugu kissaatigippagu, illersornissaqarfimmiit Kangerlussuarmut aningaasaliisoqarnissaa pisariaqarpoq.

### **Apeqqut 3. Qaqugu Kangerlussuarmi nutarterinerit aallartinneqassappat?**

Akissut: Illersornissaqarfiup mittarfimmik pisariaqartitsinera pillugu Illersornissaqarfik oqaloqatigisimavaa. Tamatuma kingorna Mittarfeqarfiit sanaartornermut pilersaarummik, pilersaarusiornermut, tassungalu ilanngullugu missingersuusiornissamut piffissamullu pilersaarusiornissamut tunngavigineqarsinnaasumik suliaqarlutik aallartippat. Suliaq taanna ingerlavoq.

### **Apeqqut 4. Timmisartut mittarfiannik illorsuartaanillu nutarterinissamut piffissalersuineq qanoq isikkoqarpa? Qanorlu amerlatigisunik anigaasartuuteqarfiussasoq naatsorsuutigineqarpa?**

Akissut: Matuma siuliani allassimasut takukkit. Suliaq aamma Mittarfeqarfinni sulisussaaleqineq peqqutigalugu kinguaattoorpoq.

**Apeqquut 5. Naalagaaffiup illersornissaqarfiata Kangerlussuarmi aningaasaliinera ingerlanneqarpa?**

Akissut: Apeqquut 3-mut akissummi taaneqartutut Namminersorlutik Oqartussat Illersornissaqarfiullu suleqatigiillutik sanaartornissamut pilersaarusiornissaq sulissutigaa.

**Apeqquut 6. Qaqugu Kangerlussuarmi sakkutuunngorniarsinnaanerup aallartinneqarnissaa naatsorsuutigineqarpa?**

Akissut: Naalakkersuisut nalunaarutigaa, sakkutuunngorniarnissarpiaq soqutigineqanngikkaluartoq, upalungaarsimanermit tunnganerusunik ilinniartitaanissamut periarfissat misissuiffigineqarnissaat Naalakkersuisunit kissaatigineqartoq.

Apeqquummut tassunga akissutissamik Nunanut Allanut Naalakkersuisoq ilassuteqartinneqarpoq, taassumalu ilisimatitsissutigaa:

"Naalakkersuisut suleqataaffigisaannik Kalaallit Nunaanni sakkutuunngorniarnissamik aallartitsisoqarnissaa Naalakkersuisunit naatsorsuutigineqanngilaq. Danskit illersornissaqarfiat danskit naalakkersuisuisa ataanni inissisimavoq."

**Apeqquut 7. Naalakkersuisut "sakkutuulersuisoqarunnaarnissaanik" kissaateqarnerat Pituffimmi sakkutooqarfimmut qanoq sunniuteqassava?**

Akissut: Nunanut Allanut Naalakkersuisoq ilisimatitsivoq:

"Amerikamiut Kalaallit Nunaanniinnerannut isumaqartussaangilaq, Kalaallit Nunaata aamma USA-p akornanni isumaqatigiissut, 28. oktober 2020-meersoq Naalakkersuisunit ataqigineqarmat. Tassani ilaatigut allassimavoq: "Pituffiup Kalaallillu Nunaata Kalaallit Nunaannut USA-mut aammalu atlantikoq ikaarlugu isumannaallisaanermut pingaarutilittut inissisimavoq..."

**Apeqquut 8. Naalakkersuisut suliamut tunngatillugu allanik soqutiginaateqarsinnaasunik nalunaaruteqarsinnaappat?**

Akissut: Nunanut Allanut Naalakkersuisoq ilisimatitsivoq:

"Illersornissamut isumannaallisaanermullu tunngassutillit tunngaviusumik isertuussassanut ilaatinneqarput. Taamaattumik Inatsisartut Nunanut Allanut Isumannaallisaanermullu Politikkimut Ataatsimiititaliaat paasissutissanik taamaattunik Naalakkersuisuniit Inatsisartunut apuussisarnermi atorneqartarpoq."

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga

  
Naaja H. Nathanielsen